



I ticchetti di cascìa

Eserciziu di ricerca

Ogettivi pedagogichi

Capacità messe in ballu : risuluzione di prublema, conversione di lunghezza, calculu di l'aghja di un rettangulu.

Cumpetenze messe in ballu : circà, calculà, cumunicà.

Enunciatu

Una deputata di l'Hérault hà fattu una pruposta di lege di nuvembre 2019, per ch'ellu sia pruibitu di stampà è di distribuì ticchetti di cascìa in Francia, salvu s'ellu a dumanda u cliente.

Eccu un strattu di u so discursu à l'assemblea :
“ A maiò parte d'issi ticchetti tenenu bisfenolu F o S, quelle sustanze chì parechji studii anu classificatu cum'è perturbatori endocrini (...) Secondu i nostri calculi, si stampa à l'incirca 12,5 miliarde di ticchetti di cascìa à l'annu. Ora casca chì quelli ticchetti “campanu” qualchi seconda è basta, postu ch'elli venenu à spessu lampati subbitu dopu. Hè un veru capatoghju in fatti di gestione di i scarti.”



Hà calculatu a deputata chì un supermercatu frazava à l'annu 10 600 rotuli di carta, ognunu longu 80 m, per stampà i ticchetti di cascìa.

1. À quantu chilometri di carta currispondenu i 10 600 rotuli ?
2. Sapendu chì ogni ticchettu hè largu 8 cm, quantu m² di carta frazerà quellu supermercatu ind'un annu pè i so ticchetti di cascìa ?
3. U stadiu Armand Cesari di Furiani hè longu 105 m è largu 68 m. Quantu stadii si puderebbe fascià cù a carta frazata da issu supermercatu ind'un annu ?

Lessicu

Pruibisce : interdire.

Stampà : imprimer.

Salvu sì... : sauf si...

Perturbatori endocrini : perturbateurs endocriniens.

À l'incirca : environ.

I scarti : les déchets.

Frazà : consommer, gaspiller.

Ròtulu : rouleau.

Fascià : couvrir.